

ZAPISNIK SA 32. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U SRIJEDU, 27.09.2022. GODINE

Prisutni: Amir Džidić; Merima Kurtović-Pašalić; Elvis Čengić; Mubera Herac; Ekrem Agić; Samir Gadžo; Neda Tadić; Mustafa Baručija; Edis Fočo; Omer Bukić; Nihad Arnautović

Odsutni: Džemal Kahrlica; Dragan Miljević; Rifat Kukić; Sadin Kavazović; Josip Sogović; –opravdano

Dnevni red:

1. Zapisnik sa 31. sjednice
2. Aktualna situacija u BHRT-u
3. Blagajnički izvještaj (avgust 2022)
4. Adriatic izvještaj (avgust 2022)
5. Pomoć
6. Razno
(Zahtjev za povećanje naknade Diša Karšić)

AD 1.A. Džidić je na osnovu člana 35. Statuta Samostalnog sindikata radnika u BHRT-u, otvorio 32. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 31. redovne sjednice UO sindikata je jednoglasno usvojen.

AD2. A. Džidić je pročitao poruku od generalnog direktora u kojoj stoji da je u ovoj godini u prosjeku 80000 KM manje prihoda od takse a do kraja mjeseca se moraju izmiriti troškovi el.energije, plina, zdravstva te tehnički poslovi za Katar tako da je finansijska situacija nikakva. Početkom oktobra će se uplatiti topli obrok čim legne veća uplata od takse.

A. Džidić je naglasio da je sindikat na prošloj sjednici od menadžmenta tražio uskladjivanje plate sa troškovima života i vraćanje visine boda od 10%. Sindikat je dobio odgovor menadžmenta u kojem stoji :

Od ranije su vama kao i najširoj javnosti Bosne i Hercegovine poznati problemi s kojima se suočava posljednjih godina BHRT. Unatoč našim naporima u pronalaženju novih izvora prihoda, nemogućnost da dobijemo Zakonom predviđena i naplaćena sredstva od RTV takse, blokade računa, posebno ona iz marta ove godine, pad naplate RTV takse u odnosu na 2020. godinu i rast cijena enrgenata (gasa prije svega) sve to utiče na to da s postojećim prilivom sredstava nismo u mogućnosti izmiriti, čak, ni minimalne tekuće obaveze, tako da, do daljnjeg, nažalost, ne postoji nikakva mogućnost da se vrijednost boda za isplatu plaća uveća.

A. Džidić je napomenuo da se tražio sastanak Podružnice Imovina sa menadžmentom kao i da je upućen dopis u vezi M. Hot. Sindikat nije dobio odgovor ni na jedan dopis koji je upućen. A. Džidić je istakao da je kolega Kahrlica predložio da se ponovno uputi urgencija za sastanak, da se traži sastanak menadžmenta i rukovodstva sindikata obzirom kako je rekao uposlenicima je do grla došlo. A. Džidić se složio sa ovim prijedlogom Dž. Kahrlice koji je dobio i dodao da nije siguran dal' je to rješenje za ove probleme radnika.

M. Baručija je još jednom istakao probleme u kojem se Imovina nalazi i naveo primjer vode koja je poplavila na parking u i da se još uvijek čeka rješenje obzirom da se jednio može zatvoriti u ovom slučaju voda u pola zgrade. To je samo jedan od problema u kojem se nalazi Imovina RTV Doma.

M. Kurtović-Pašalić je napomenula da je Dž. Kahrlica na prošloj sjednici naveo jako precizno probleme sa kojim se susreće Imovina. Menadžment ignoriše sve zahtjeve sindikata i napomenula da je sindikat odblokirao račun BHRT-a kada je trebalo i smatra da se ne treba odustajati od zahtjeve sindikata prema menadžmentu i mišljenja je da se treba tražiti redovni sastak sa menadžmentom ali i odgovornost koju ima.

N. Tadić je istakla nekontrolisani odlazak ljudi sa BHRT-a i rastuće nezadovoljstvo ljudi koji ostaju obzirom da oni koji ostaju rade nekoliko poslova a rješenja nema od strane menadžmenta.

N. Arnautović je istakao da je očigledno da menadžment radi po sistemu da obezbjedi na neki način topli obrok i plaću a ne vodi se računa na ono što se dešava sa problemima koji se nagomilavaju u RTV Domu i koji će dovesti do toga da jedan mjesec zbog tih istih problema neće moći isplatiti obaveze prema radnicima.

A. Džidić se složio sa M. Kurtović-Pašalić sa redovnim zahtjevima sindikata i predložio da sindikat objavi saopštenje sindikata o trenutnoj finansijskoj situaciji kao i problemu da se u predizbornim aktivnostima niko nije osvrnuo na problem Javnog servisa.

E. Čengić je protiv bilo kakvih sastanaka rukovodstva sindikata sa menadžmentom obzirom da se ništa nije riješilo na takvim sastancima i da to liči na pres konferenciju menadžmenta. Kada je sindikat trebao onda se odgovaralo na svaki dopis i održavali su se sastanci redovno. Podržao je prijedlog Dž. Kahrlice za urgenciju za sastanak Imovine sa menadžmentom obzirom na sve probleme sa kojim se susrećemo svi u zgradi. Sve ono što je sindikat pitao menadžment ili nije dobio odgovor ili je jednostavno nema para. E. Čengić je podržao prijedlog A. Džidića da sindikat izadje u javnost sa saopštenjem da se političari ne bave s nama, menadžment se na bavi s nama ali napomenuti od kada su plaće iste u BHRT-u i da se navede prosjek plaća koji je već sindikat slao u dopisu iz decembra 2021 godine prema menadžmentu. N. Tadić je mišljenja da bi sindikat trebao da razmišlja o izlasku na ulicu zbog trenutne loše situacije u kojoj se radnici nalaze.

Nakon duže rasprave jednoglasno je usvojen zaključak da N.Tadić i M.Kurtović-Pašalić pripreme saopštenje u kojem će se navesti svi problemi u kojem se nalaze radnici BHRT-a, ponovno će se tražiti urgencija za sastanak Podružnice Imovina sa menadžmentom i sindikat će postaviti upit za M.Hot a koji je poslan prošli mjesec..
E.Čengić je napustio sjednicu UO zbog obaveza i snimanja Izbornog programa BHT-a.

AD 3.Blagajnički izvještaj D.Karšić za mjesec avgust 2022.godine je primljen k znanju.

AD 4. Izvještaj M.Herac o poslovanju sa Adriatic osiguranjem za avgust 2022.godine je primljen k znanju.

AD 5. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec septembar 2022. godine dobiju slijedeći članovi: Solak Kadira 200,00 KM, Sokolović Todor 400 KM (II dio), Garić Dejan 500KM (III dio) . Ukupno 1.100,00 KM. Poklon DM-a u iznosu od 200KM za rođenje djeteta komisija predlaže Kezunović-Pekmez Aida Prijedlog odluke komisije je jednoglasno usvojen.

AD 6. D.Karšić je uputila zahtjev za povećanje nalnade za rad u sindikatu na 150KM. Nakon kraće rasprave, UO je suzdržan te nije zauzeo stav po ovom pitanju. A.Džidić je zaključio da iznosi naknade za rad u sindikatu ostaju isti.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Amir Džidić